

Opprett Helse Hordaland no!

Hordaland og Stord Venstre vil ha ei ny ordning for sjukehuset. Ei orientering mot Bergen vil sikra framtida til lokalsjukehuset på Stord. Om me ikkje gjer noko vert snart heile sjukehuset ribba for alt av institusjonar.

Me som bur i Sunnhordland er avhengig av **eit godt lokalsjukehus**. For at det til ei kvar tid skal vera eit oppdatert sjukehus er alle avhengig av å få arbeida med ekspertar og å ta vidare utdanning. Til det treng me å vera tilknytta universitetssjukehuset i Bergen.

Stord Sjukehus har ein god tradisjon for samarbeid med Haukeland Universitets-sjukehus. Eit av dei viktigaste punkta for å **sikra framtida til Stord Sjukehus** er at ein skal få tilbake sjukehusadministrasjonen til Stord. Ei lokal administrasjon sikrar ei leiing som vil sjukehuset godt. Når leiinga vert mindre topp-tung vil ein større del av økonomien kunna verta nytta



Håkon Frode Særsten, Stord
Ordførarkandidat for Venstre på Stord

på pasientar i staden for administrasjon og transport av folk her og der.

Ein organisasjon som arbeidar med **kjente lokale system** er ein effektiv og mykje tryggare måte å driva eit lokalsjukehus på.

Venstre på Stord og på fylkestinget står samla om å **oppretta eit Helse Hordaland for å styrka Stord Sjukehus**.

Viktige punkt for eit nytt helseføretak

Det må opprettast eit **Helse Hordaland HF**, der Haukeland Universitetssjukehus har eit fadderansvar overfor Stord Sjukehus. Likeins med dagens ordning ved Voss Sjukehus.

Me må **sikra framtida til Stord Sjukehus** ved at ein kan avlaste Haukeland gjennom å ta over oppgåver frå Haukeland slik ein har gjort på Voss.

Det må opprettast **eit stabilt fagmiljø på Stord** knytta til desse faste avdelingane.

Me må **avlasta Haukeland** Universitets-sjukehus. Haukeland har ikkje kapasitet til å meistra den forventade befolkningsveksten.

Det må sørgast for at Stord Sjukehus framleis har **fødselstilbod**, anestesi, røntgen, generell kirurgi, akuttberedskap, laboratorium og indre-medisinske tenestar osb.

Me må ha **ein lokal sjukehusadministrasjon**. Eit stort problem er at den noverande administrasjonen i Helse Fonna



Anne-Beth Njærheim, Bømlo
3. kandidat til fylkestinget

er lokalisert i Haugesund. Me treng ei lokal administrasjon som har befolkninga sitt helsetilbod og helsesikkerheit i fokus.

Dei tillitsvalde skal ha **krav på møter med administrasjonen**. Det er uakseptabelt at tillitsvalde vert ignorert fleire gongar når ein ønskjer dialog med leiinga!